

傳記
中叢書之一
張振武

傳記叢書之一

張振聲

上海新民書社印行

中華民國元年九月
印刷發行

定價洋三角



編撰者 蒯楚生

印刷者 新民書社

發行者 新民書社

發行所 各省大書坊

寄售處 上海各書局

序言

張

振

武

客有問於楚生曰。子之偏撰張振武。褒之乎。抑貶之乎。余曰。張振武爲一時之人傑。武昌起義。張爲首功。則大總統亦稱爲有才有功之一偉人。(對參議員語)惜其自共和告成之後。又復陰圖隱謀。不恤破壞大局。以遂其所欲。雖事未成。而其身已被戮。其罪已播於全國。是非曲直。國人自有定評。余因其爲民國開國之一大要案。特紀其事而已。客曰。張氏一案。輿論紛歧。反對一派。多祇副總統爲違法。至今日而尙不能解決者何哉。余曰。張方之死。海內譁然。誠以罪狀未昭。手續欠當。是以責言朋起。但黎公藹然仁者。天下皆知。袁公調停黨見。海內共喻。驟爲駭人聽聞之行。必有忍無可忍之苦。張之誅也。非無故焉。然手續雖或不衷於法理。事機實不能以從容也。今者。參議院之彈劾風潮已將消滅。大總統之咨文。及副總統之詳電。亦已送院。國人當可解決矣。此編余編於未解決

之前。故不爲之下一斷語。他日者當再輯張案始末記，以貢獻於國人可也。客退，詮次而記之。以弁書首。

中華民國元年九月

編者識

張 振 武

張君振武

最近之肖像



張 振 武

張振武目次

序 言

肖 像

第一章 張振武之歷史

小傳……………革命戰史

第二章 張振武致死之原因

第三次革命……………祝制六之伏誅……………張振武之宣言……………三次革命大文章

第三章 張振武在武漢之舉動

副總統調和意見……………大總統羅致人才……………黎張問答

第四章 張振武在北京之舉動

各黨之議會……………王天縱與張振武……………調和黨爭意見書……………上大總統書

第五章 張方槍斃之情形

罪狀……………被獲之情形……………黃禎祥之俠義……………死後之口供

第六章 張振武死後之情形

陸軍部之覆電……………孫武之營救……………鄧玉麟之不平……………總統府之會議

第七章 張振武之罪案

副總統之公電……………軍界之宣言……………商界之宣言

第八章 張振武與政界之關係

黃克強……………劉成禺……………鄧萬瞻……………黃禎祥……………王天縱……………孫武

第九章 參議院對於張方案之舉動

質問……………彈劾……………答覆……………軍界之干涉……………士民之責備

第十章 政府對於張方案之態度

大總統之言論……………副總統之責任

第十一章 各黨對於張方案之態度

共和黨……………國民黨……………同盟會……………章大炎

第十二章 張方死後之社會

武漢……………京師……………上海

第十三章 張方案之輿論

張 振 武

第十四章 張振武之軼事

第十五章 張振武身後之餘波

第十六章 結論

武 振 張

張振武目次終

目次

四

張振武

(傳記小叢書之一)

第一章 張振武之歷史

楚 生 編

張振武小傳

張君振武。字春山。一字竹山。湖北羅田人。寄居竹山。幼聰悟。性穎慧。及長卓爾不羣。鄉里皆稱之。初從師沈廷階陳培鞞二先生。旋入省師範學校。復留學日本早稻田大學。研究法政。間習戰術。與湖南劉君彥友善。時孫中山先生在日本組織同盟會。君由劉君介紹入會。乃擔任組織鄂省機關。歲丁未。徐君錫麟舉義於安慶。君陰爲之助。事敗。幾罹縲紲。時滿清官吏捕拿黨人日益亟。君復走日本。繼又往返滬漢。鼓吹革命。未幾。捕網稍弛。君再入鄂爲教員。藉此以聯絡同志。武漢起義。事先佈置之周密。事後施行之敏捷。皆君之力居多。民國成立。君爲首功。充軍務司長。袁大總統蒞任後。聘君入京爲高等顧問。惟君性不馴。時與執政諸人忤。因之宗旨不洽。遇事爭執。以是人皆謂君驕縱跋扈。且有言君欲圖二次革命者。黎副總統聞而憂之。遣君離鄂。冀消鉅患。君

張 振 武

張

至京。行動多不知檢束。又時爲激烈暴戾之言論。閱數日。黎公調查確實密電至京。宣佈君之罪狀。由袁大總統命陸軍部按照軍法執君而鎗斃之。時民國初立。人心未定。得此驚耗。有駭異者。有惋惜者。全國輿論。莫不以君死非其法。袁大總統及黎副總統皆以君之罪名雖得。勳勞未彰。乃優加撫恤。派員迎柩回籍。按照大將禮治喪。並爲君開會追悼焉。君死在中華民國元年八月十五日。時年方三十云。

張振武湖北革命戰史

武

張振武。字春山。更名竹山。湖北羅田人。寄居鄖陽府竹山縣。幼岐嶷。性穎慧。過目能成誦。時與諸童斬木爲兵。作攻守戲。人頗異之。及長。卓犖不羣。初從沈廷階陳培鞞兩先生遊。不事帖括。好戰術。寢饋孫吳學者有年。旋入省師範學校。受業於革命鉅子時先生象晉。講授時。每痛陳滿洲專制。外人欺侮狀。君輒感憤不已。革命思想。胥孕育於此。甲午庚子之役。引爲奇恥。仰嘯俯泣。益痛覆亡無日。毅然曰。大丈夫爲奴隸國民耶。用是變羅田產。東渡日本。入早稻田大學。研究法律政治。且入體育會。練習戰陣攻守諸法。是時國勢阽危。驚濤駭浪。紛至沓來。而朝野上下。猶歌舞太平。滿廷專橫無忌。君撥亂反正之志。乃益堅。孫文倡同盟會於日本。君由湖南劉彥介紹。入聯絡部。担任湖北

張 振 武

地面組織機關。與總理劉揆一協力進行。丁未徐錫麟舉義於安徽。君陰爲之助。幾遭縲綬。因走長崎。繼又返鄂。思以口舌之力。警醒同胞。乃開演說會。鼓吹革命。每一登壇。言論未采。輒傾動一時。贛人朱君錫麟慨捐巨金以助之。乃撥入學務公所。以謀普通教育之發達。苦心孤詣。如是者三年如一日。鄂人之革命思想。至今一發而不可遏止者。君提倡灌輸之力也。維時清督陳夔龍忌之。偵騎四出。大索數日不得。君匿跡養晦以避之。捕網稍懈。君卽出倡體育會及公立學堂。藉教授生徒之名。以聯絡志士。旋孫武高尚志約君組織機關部。並與劉公、譚人鳳、蔣翌武、蔡濟民、鄧玉麟、劉長庚、李作棟、楊玉如、諸君。分任事務。君擔任理財部。首由劉公輸數千金。以備運動軍火之資。聯絡各軍隊學堂志士。秘密結合。分途從事。當時礮隊代表。則有孟華成、胡捷三、蔡漢卿、彭瑞麟、杜占堃、阮寶山、彭士林、火亮雲、陳龍、王慶元、劉高陞、王秉章諸君。工程隊代表。則有熊丙坤、馬驥雲、方興、張良臣、吳兆麟、馬榮卿、邢金瑞、蔡鵬來、梁子英諸君。步隊代表。則有張廷輔、楊選青、陳人傑、王文錦、王憲章、黃生香、方維、王光國、明安炯、謝勇泉、周承勳、田兆麟、陳玉卿、周青林、李忠義、翟元志、季新全、江選凱、薛樹勛、王華國、徐維漢、劉遠達、朱國梁、黃玉標、鄭樹林、沈敏達、李世榮、楊玉升、雷永泰、汪光國、查永泰、沈漁斌、劉學

張

鈞、吳光明、雷正坤、朱鎮漢、張傑夫、李達吾、陳佐黃、羅良靖、王耀東、李錫成、彭紀林、謝元愷、白壽圖、吳傑諸君。輜重隊代表。則有孫君鴻臚、馬隊代表。則有黃君冠羣、劉君建一、黃君維漢、章君裕民、測繪學堂代表。則有朱次璋、李華模、王忠烈、甘續照、唐儀之、謝流芳、陳定元諸君。師範學堂代表。則有牟鴻勛、周之瀚、蘇成章、歐陽日茂、邢伯謙諸君。文普通中學堂代表。則有謝石欽、梅寶璣諸君。礦業學堂代表。則有唐元、劉履全、尹振、劉素光諸君。陸軍中學堂代表。則有耿丹、任重、雷洪、陳修、劉瑞常、張永年、馬玉山、榮希盛、諸君。特別陸軍小學代表。則有高尙志、陶繼元、陶繼愷諸君。就中鄧君玉麟。並爲各省軍隊代表。特在省垣開設酒館。以聯絡各省同志。機關部內。有劉復基、彭祖藩、張廷甫、楊鴻勝、潘公復、陳鴻誥、謝石欽、牟鴻勛諸君。常川辦事。經管益增完密。鄂事布置既畢。復還里運動富室。襄河一帶。如劉雲會、盛炳甲、梅實秋之富有財產者。皆樂助焉。君又賣竹山縣產。以充軍實。富道頗嫌疑之。而里人則信君甚篤。乃舉爲孝廣方正。以釋其疑。始得從事革命計畫。以一子寄崇陽魯家。而囑之曰。果於事敗垂成。當令此子繼我。後而竟我志也。蓋破釜沉舟之心。早已決然矣。辛亥八月。君圖大舉。以黃絲夾炸彈。盛衣箱十餘口。進武昌城。戍守環視之。堅欲查。蓋是時風聲益急。戒嚴令下。君度不可免。

振

武

張

振

武

以拳碎鎖。手血淋漓。令開視。戍者轉爲之意解。讓之入。君臨機應變。成事於垂敗。雖曰天幸。不可謂非機智也。設機關部於武昌小朝街。及漢口興漢里。原擬秋後舉義。不意八月十八日。孫武、楊鴻勝、因演試炸彈失慎。機關相繼破壞。各代表被拘者。卅餘人。獲去印信、旗幟、告示、名冊、無算。君僅以身免。彭君祖藩被執時。慷慨陳述。直認革命不諱。遂與楊鴻勝、劉復基、同時遇害。君益悲痛。幾不欲生。其餘諸人均被監禁。清督瑞澂。欲嚴捕同志。並收各營子彈以防之。是時機關部人員。未被捕者。輒潛逃他處。君極力支持。乃與測繪代表朱次璋、李華模諸君。磋商辦法。君主張乘時大舉。通知軍學各代表。約於十九日午後七點鐘起事。首發難者。爲工程營熊丙坤、方維、王光國、鄧玉麟、蔡濟民、諸君。占領楚王台槍砲庫。分發子彈。蔡濟民、明安炯、馬明禧、周成勛、謝湧泉、周青林、胡捷三、雷永泰、諸君。帶隊出起義門。迎卹隊入。先是瑞澂聞革命消息。久已戒嚴。密布憲兵、警察、巡防機關隊、旗兵。於督署週圍。以防不測。兵力極雄厚。我軍連攻五次。未下。杜芳余守本死之。又被瑞兵奪去大砲六尊。我軍抵死力戰。人數漸集。仍未得手。乃聚積大砲數十尊於蛇山頂。歸鄧玉麟、吳兆麟指揮。以爲攻擊督署之主力。李君忠義占領鳳凰山砲台。並武勝大東小東各門。馬明禧、馬少卿、周青林、雷永泰、諸君。占領保安。

張

振

武

平湖、望山、文昌各門。方維、王光國、阮寶山率兵由長街直搗督署。諸君皆一以當百，卒破督署。清水師統領陳得龍帶領兵士將瑞徵擁護避艦中。張彪亦遁。我軍遂佔有武昌。乃分兵守備各城門。二十日晨，佈告安民。城內平靜如故。代表蔡鵬來，朱次章、李華模、劉長庚、胡捷三、王忠烈各同志以君胆識過人，欲推爲武漢總代表。君力辭不受。並謂黎君宋卿得軍心，可與共圖大事。特與蔡濟民率同志請黎出，舉爲正司令。君副之。以諮議局爲事務所。適有敵兵管帶鄧翔宸領兵二百餘人，攻諮議局。黎公避所中。僅留君與朱次章等九人，分爲散隊。作背城計。敵亦趨趨不進，恐中伏兵。君指揮同志抵死不肯讓步。敵軍始退。旋適陸軍中學六代表耿丹、任重、雷洪、陳修、劉瑞章、榮希盛諸君率領學生軍七百餘人來援。刀乃厚設非君從容不迫，力撐危局，恐我中華民國未必卽有今日也。乃以四十人毀模範及各監獄。出張廷甫、顧慶雲、牟鴻勳、胡瑛等三十餘人。軍心大振。時各營代表來。君乃聚合代表會議。痛哭誓師曰：革命者應天順人。爲同胞復仇，今不戰固死。戰亦不過死耳。死而落得磊落之名，究亦何惜此死。諸同志有謀舉君者。君固辭。並推舉吳兆麟以代君統率軍隊。仍請黎公出而任事。翌日黎公以君及同志之心堅定，以光復河山爲誓。同志歡聲雷動。黎公在鄂有年，治軍嚴明。且

張 振 武

有大度。又嫻海上戰術。於軍中求通海陸兵畧者。匪黎公莫屬。故君極力推戴之。而自任總參謀。調朱次章至所。保護黎公。殺漢奸數人。以示警戒。軍心大定。乃派學生保守藩署。及官錢銅幣各局。約劉公、胡瑛、李作棟、蔡濟民、鄧玉麟、吳兆高、尙蔡志、蘇成章、李華模、劉長庚、胡捷三、王忠烈、王安蘭、蔡漢卿、牟鴻勳、張越、歐陽日茂、王國棟諸君至。事務所辦事。編軍隊爲四協。第一協統領吳兆麟。第二協統領何錫蕃。第三協統領楊開甲。第四協領杜錫鈞。二十二日點驗發餉。復招募新軍。以補不足。自此軍隊始稍就緒矣。二十二日。滿漢官吏紛紛投効。君皆妥爲安插。並勉以同心協力。共造新國。對旗人尤持人道主義。外人生命財產。妥爲保護。維持城內治安。時有劉賡藻捏報北軍七千至漢。次日又報告北軍陸續到一萬五千。冀以搖動軍心。君以水陸兩路北軍。不易驟至。加以二十二日。敵軍正在開平秋操。料無此神速。深知其詐。飭交執法處斬。人心乃定。又有張景良者。欲得一指揮全權。以效忠清廷。乃僞爲奮勇軍。以售其奸。君獨欲殺之。黎公與蔡濟民保送執法處禁錮。君之能洞悉奸詐有如此。二十三日。開保安文昌各門。將敵軍放出。時蔣君翌武至。當至漢口漢陽招降各軍隊。二十四日。君令各軍整列。請黎公登臺。舉爲都督。大呼民國萬歲。黎公之心益定。二十五日。因軍務繁密。非